



Lezoko Unibertsitateko Udala

Hiri hondakinak bildu eta tratatzeko Udal Ordenantza

2012H0290007

SARRERA

I- TITULUA: XEDAPEN OROKORRAK

1. artikulua.- Helburua

1.- Ordenantza honek, Udalaren eskuduntzen barruan, Lezoko udalerriko hiri hondakinen (HH) bilketa eta tratamendua arautzea du helburu.

2.- Era berean, kudeaketa bideratzen duen udalaren eta zerbitzua erabiliko dutenen arteko harremana arautzen du, alde bakoitzaren eskubide, eginbehar eta betebeharrak zehaztuz.

2. artikulua.- Aplikazio eremua

Ordenantza honen lurralde eremua Lezoko Udal barrutia da.

3. artikulua.- Kudeaketaren arduraduna

Hiri hondakinen kudeaketa Lezoko Udalari dagokio, industri poligonoetakoa izan ezik hau San Marko Mankomunitateari baitagokio. Haatik poligono hauek kudeatzeko ahalmena gordetzen du Lezoko udalak horrela erabakiz gero.

4. artikulua.- Erabiltzaileak

Zerbitzu hauetako prestazioetan erabiltzaile dira zerbitzu hauen onuradun edo kaltetu diren pertsona fisiko nahiz juridikoak, baldin eta Lezoko Udalerrian helbidea badute.

5. artikulua.- Araudi aplikagarria

Ordenantza honek Hondakinen eta lur kutsatuen uztailaren 28ko 22/2011 Legeari eta gainontzeko xedapen aplikagarriei jarraitzen die.

6. artikulua.- Hondakinen definizioa

Ordenantza honen ondorioetarako "hondakin" gisa hartuko da: hondakinei eta lur kutsatuei buruzko uztailaren 28eko 22/2011 Legearen 3. artikuluan agertzen diren kategorietakoren bati dagokion edozein sustantzia edo gauza, baldin eta horren edukitzaileak botatzen badu edo botatzeko asmoa edo betebeharra badu. Nolanahi ere, Europako Batasuneko Erakundeek onarturiko Hondakinei buruzko Europako Katalogoan (CER) adierazten direnak ere hartuko dira hondakin gisa.



Lezoko Unibertsitateko Udala

II- TITULUA: BILKETA ZERBITZUA

I.- KAPITULUA: ETXEZ ETXEKO BILKETA

7. artikulua.- Etxez etxe biltzen diren hondakinak.

- a) Ordenantza honen ondorioetarako, etxez etxeko hondakin bilketaren barruan ondoko hondakin hauek sartuko dira:
- b) Etxeko kontsumo eta elikadurak sortutako hondakinak eta detritusak, ontziteria edo beira hondakinak, ontziak, enbalajeak, kartoiak, oinetako edo jantzien hondakinak eta orokorrean edozein etxetan sortutako zaborreria, aurrez udalak jarritako egun, ordu, modu eta lekuetan biltzeko.
- c) atalean aipatutakoen antzeko jatorria dutenak, baina dendetan, industrietan eta zerbitzuetan sortuak, aurreko atalean adierazitako baldintzetan prestatuta.
- d) A ataleko berberak, baina hauek jantoki, eskola, eraikin publiko, eliza, jolas-gune eta abarretan sortuak, A atalean aipatutako baldintzetan prestatuta.
- e) Merkatu, feria, festa publiko, etab.en garbiketetatik sortutako hondakinak, A atalean aipatutako baldintzetan prestatuta.
- f) Bide publikoa garbitzearen ondorioz sortzen diren hondakinak.

7 bis artikulua.-


Lezoko udalerrian merkataritzako hondakin ez arriskutsuen eta industrietan sortutako hondakin domestikoen kudeaketa ordenantza honetan edo inoiz honen ordeztu onartzen den araudian adierazitako moduan jarritako sistema publikoaren barruan sartuta geratuko dira derrigor, eta honelako hondakinak dituzten hasierako ekoizle edo edukiztaileek ezingo dute Lurzoru kutsatuen eta hondakinen inguruko uztailaren 28ko 22/2011 Legearen 17. artikulua 3. atalean jasotako aukera baliatu.

8. artikulua.- Etxez etxeko bilketatik kanpo gelditzen diren hondakinak.

Kanpoan geratzen dira eta, hortaz, etxez etxeko bilketan hartu beharrik ez da egongo, honako hondakin hauek:

- Indusketa produktuak, hareak, lurrak, industrietako errautsak, eta herri-lanetako nahiz lan pribatuetako zaborrak.
- Edozein pneumatiko mota, estalkiak, industri prozesuetako hondakin plastikoak, bernizak, pinturak, kolak, likido korrosiboak, koipeak eta olioak.
- Bidoiak, lata handiak, zumitzak, eta txirbilak.
- Inausketa eta lorazaintzako hondakinak.
- Abeltzaintzako abelburu hilak.
- Arrandegi zein harategiek sortzen dituzten arrain hondakinak edo/eta animalia hondakinak.
- Merkataritzan sortzen diren porespaneko bildukiak
- Altzarien eta tamaina handikoen bilketan: isolatutzat edo bakartzat jo ezin diren altzariak edo etxeak altzariz janztean sortzen direnak, bai eta etxeak altzariz janztean edo etxez aldatzean sortzen diren bilgarriak ere.
- Etxeetan era guztietako obrak eta berrikuntzak egiten dituzten herritar, gremio eta arduradunek sortutako hondakinak, hala nola zaborra, egurra, leiho- edo ate-markoak, zokaloak, pertsianak, oholtza,





Lezoko Unibertsitateko Udala

zoruak, moketa, bainuontziak, komun-ontziak, konketak, sukaldeko altzariak, erradiadoreak edo antzekoak eta, oro har, obretan sortzen direnak.

- Udalak zehaztu gabe dauden beste hiri-hondakin mota batzuk sartu ahal izango ditu aurreko zerrendetan, baldin eta beren ezaugarri bereziengatik edo izaeragatik, hondakinen bilketarako udal zerbitzuak bere gain hartu ezin baldin baditu.

9. artikulua.- Derrigorrezko zerbitzua.

Udala derrigortuta dago etxez etxeko hondakinen bilketa egitera eta, hortaz, 7. artikuluan adierazitako materialak biltzeko ardura hartuko du.

10. artikulua.- Prestazioak.

Zerbitzu horren egin beharrak honako hauek dira:

- Hondakinak uzteko modu eta tokietatik bilketa ibilgailuetara eraman eta han hustu.
- Hustu ondoren, edukiontziak bere lekuetara itzuli.
- Lan horien ondorioz bide publikora eroritako hondakinak jaso.
- Hondakinak zehaztuak dauden tratamendu gunetara edo transferentzia zentroetara eraman eta han hustu, bertan trata ditzaten.

11. artikulua.- Hondakinen jabetza.

1.- Hiri hondakinen ekoizleek (sortzaileek) zein dauzkatenek, Ordenantza honetan jasotzen diren baldintzetan utzi beharko dituzte Erakunde Kudeatzailearen esku: hau da, Lezoko Udalaren esku; Udalak, hondakinen jabetza har dezan, une horretatik bertatik.

2.- Pertsona horiek ez dute erantzukizunik izango hondakin horiek eragin ditzaketen kalteengatik, baldin eta hondakinak uzterakoan Ordenantza honek dioena eta gainerako lege-arauak bete badituzte.

12. artikulua.- Zerbitzuaren prestazioa.

Hiri Hondakinen mota guztien bilketaren maiztasuna Udalak erabakiko du, Udalerriaren interesak kontuan hartuta.

13. artikulua.- Programazioa.

Udalak jakitera emango du bilketa zerbitzuaren programazioa: egunak, ordutegiak eta bitartekoak. Hala ere, zerbitzuak izan ditzakeen beharren arabera, interes publikoari begira egokitzat jotzen dituen aldaketak egin ahal izango ditu Udalak, aldez aurretik ordutegi, bilketa erak edo maiztasun aldaketen berri emanda. Dena den, larrialdi, ustekabe edo ezinbesteko egoeretan bidezko diren xedapenak emango ditu alkateak. Zehaztapenak Alkatetza-Bando baten bidez erregulatuko dira.


14. artikulua.- Larrialdiak.

Larrialdi egoerak ematen direnean, direla gizarte-gatazkak, uholdeak edo ezinbesteko egoeragatik zerbitzua eskaintzerik ez dagoenean, eta Udalak aldez aurretik jakinarazten badu, bizilagunek ez dituzte aterako hondakinak, zerbitzua bere onera etorri bitartean, edo Udalak bidezko aginduak eman bitartean.

15. artikulua.- Hiri hondakinak biltzeko gune edo puntuak.

Udal zerbitzuek erabakiko dituzte zonalde bakoitzean erabili beharreko biltze guneak eta, haien motak, kopurua eta kokapenak, udalerriaren interesak kontuan hartuta.





16. Hiri hondakinak uzteko eta bertatik jasotzeko gelak

1.- Hondakinatarako gelen dotazioaren aplikazio-eremua.

1. Araudi hau indarrean jartzen denetik aurrera, udalerriko hiri lurzoruan eta lurzoru hiritargarran eraikitzen diren oin berriko eraikinek, ordenantza honetan ezarrita dagoen hiri hondakinaren bilketa araudia bete behar dutenek, finkan sortutako hiri hondakinatarako gela bat izan beharko dute, udal zerbitzuek hondakinaren bilketa, ordenantza honetan araututa dagoen atez ateko sistemaren arabera, errazago egin dezaten.

2. Obligazio bera izango dute lehendik zeuden eraikinak ordezkatu edo erabat birgaitzeko egiten diren lanen ondorioz eraikitzen diren eraikinek ere.

3. Salbuespen gisa, udalak obligazio hau bete beharra barkatu ahal izango du, bidezko jotzen dueneraino, obligazio hau artikulua honetan jasotako moduan betetzea fisikoki ezinezkoa egiten duten arrazoiak baldin badaude, behar bezala justifikatutakoak (esate baterako: erabilera, eraikinaren tipologia, kultura ondarearen babes araubidea, etab.), edo hirigintza aldetik egokia ez bada, eta baldin eta:

- Sustatzaileak edo jabeak justifikatzen badu, ondo arrazoituta, zerk galarazten duen edo zerk egiten duen ez komenigarri ordenantza honetan ezarritakoa betetzea.
- Bermatzen bada ordenantza honetan araututako bilketa sistemaren funtzionaltasunarekin eta helburuekin bat datozen bestelako neurriak hartuko direla.
- Udalez gaindiko arauak betetzen badira (orokorrean aplikatu beharreko legeak, Eraikuntzaren Kode Teknikoa, etab.)
- Udaleko zerbitzu teknikoek aldeko txostena egiten badute.

2.- Hondakinatarako gelaren azalera eta neurriak.

1. Hiri hondakinatarako gela hauen gutxieneko azalera erabilgarria kalkulatzeko, indarrean dagoen Eraikuntzaren Kode Teknikoaren HS2 sekzioaren (hondakinaren bilketa eta ebakuazioa) 2.1.2.1 artikuluan jasota datorren formula aplikatuko da.

2. Gelaren neurri txikiena ezingo da izan 2 m baino gutxiagokoa aurrez aurreko bi paramenturen artean.

3. Nolanahi ere, eraikinaren oinarriko eta exekuzio egitasmoetan jaso beharreko azalera erabilgarria eta neurriak eta geometria bermatuko dute ordenantza honen bidez araututako hiri hondakinaren biltegitarte eta bilketa sistemak behar bezala funtzionatuko dutela, eta, behar izanez gero, epigrafe honetan ezarritako gutxienekoak gaindituz.


3.- Hondakinatarako gelen kokapen baldintzak.

1. Eraikitako finka independente bakoitzak gela berezi bat izango du hiri hondakinak bertara eramateko eta handik jasotzeko.

2. Udalak, koordinazio arrazoiak edo arrazoi funtzionalak tarteko, mugakide diren hainbat finkei dagozkien hondakinatarako gelak gela bakar batean bateratzeko baimena eman dezake.

3. Hondakinatarako gela eraikinaren barruan egongo da. Hondakinatarako gela eraikinetik kanpo, jabetza pribatuko lurretan, kokatzea ere baimendu ahal izango da, baldin eta lursailaren hirigintza baldintzak kontuan hartuta hala egiterik baldin badago (indarrean dagoen antolamendu xehakaturia). Nolanahi ere, Eraikuntzaren Kode Teknikoaren HS2 sekzioaren (hondakinaren bilketa eta ebakuazioa) 2.1.1 artikulua 1. atalean jasotako gehieneko distantziaren baldintza bete beharko da.





4.- Hondakinatarako gelen irisgarritasun baldintzak.

1. Finkako hiri hondakinak uzteko erabiliko den gela, ahal dela, beheko solairuan egongo da, kanpoko aldetik sarbide zuzena duela. Salbuespen gisa eraikinaren sestra azpiko beste solairuren batean jartzeko baimena ere eman ahal izango da, bermatzen bada udal zerbitzuek hondakinak jasotzeko lana egoki egin ahal izango dituztela eta irisgarritasunarekin lotutako ondoko baldintza hauek betetzen badira:

- Hondakinatarako gelaren eta eraikinaren kanpoko aldearen artean komunikazio sarbide zuzena egotea, bestelako erabilieratarako espazioetakoekiko independentea (pribatiboak nahiz guztientzakoak izan). Kanpoko aldetik hondakinatarako gelarainoko ibilbidea gehienez 10 m-koa izatea.
- Hondakinatarako gelatik kanpoko bilketa punturainoko ibilbideak gutxienez 1,20 m-ko zabalera librea izan behar du, eta tartean ez da eskailerarik izango. Bestalde, ibilbide horretan irisgarritasunari buruz indarrean dagoen araudiaren baldintzak bete behar dira.
- Esparrua ixteko ateak, edo aipatutako ibilbide horretan jarri beharrekoak, eraikinaren kanpoko aldera irekitzekoak izango dira eta orria gutxienez 1 m-ko zabalera izan beharko du. Ateen sarrailak orokortuak izango dira, hiri hondakinak biltzeko udal zerbitzuak erabiltzen dituen giltzen ezaugarrien arabera.

2. Udalak, udal zerbitzu teknikoek aldeko txostena egin ondoren, hondakinatarako geletara sartzeko bestelako soluzioak onartu ahal izango ditu, atal honetan jasotakoarekin estu-estu ez badatoz ere, baldin eta erabat bermatzen bada hartutako irtenbideak ez duela hiri hondakinak jasotzeko sistemaren funtzionamendu egokia nabarmen galaraziko ez eta sistema horrekin lotutako oinarritzko helburuak nahiz aplikatu beharreko legeria tekniko orokorra hautsiko ere.

5.- Hondakinatarako gelen eraikuntza- eta zerbitzu-baldintzak.

1. Hiri hondakinatarako gelen eraikuntza- eta zerbitzu-baldintzek Eraikuntzaren Kode Teknikoaren HS-2 sekzioaren (hondakinen bilketa eta ebakuazioa) 2.1.3 artikuluan jasotakoak bete beharko dituzte.

2. Nolanahi ere, hondakinatarako gelak baldintza egokiak bete beharko ditu honako arlo hauei dagokienez:


- Giro-aireztapenari dagokionez.
- Iragazgaizteari eta lurra, paretak, sabaiak eta eraikuntzako bestelako elementuak (akaberak, arotzeria, etab.) garbitzeko erraztasunari dagokionez.
- Ur hornidurari dagokionez (hondakin-ontziak garbitzeko arraska eta ur-hartunea) eta saneamendu sareari dagokionez (sifoi-hustubidea eta antimuridoak)
- Argiztapen artifizialaren instalazioari eta argindarrari dagokionez (entxufe monofasiko 16 A-rako puntua, estanko IP-65)
- Suteen aurkako babesari dagokionez, Eraikuntzaren Kode Teknikoaren SI-1 sekzioaren (sute kasuetarako segurtasuna) 2. atalaren arabera.

3. Bestalde, ordenantza honetan arautzen den hondakinak utzi eta bertatik eramateko sistemarako beharrezkoak diren zintzilikarioak edo bestelako elementu eta tresneria jarri beharko dira hondakinatarako gelan.

6.- Baldintza tekniko osagarriak

Eraikinetan jarri behar diren hondakinatarako gelen proiektuarekin eta exekuzioarekin lotutako gai guztiei dagokienez indarrean dagoen Eraikuntzaren Kode teknikoak aurreikusten duena beteko da, artikulua honetan espresuki araututa ez badaude.





7.- Artikulu honetan zehaztutakoak betetzen ote diren ikusteko egiaztapena

1. Eraikinak eraikitzeke lizentzia eta lehen erabilerarako lizentziak emateko beharrezkoa izango da udaleko zerbitzu teknikoek alde zuzenetik egiaztatzea ea eraikin horien sustatzaile publiko nahiz pribatuek ongi bete ote dituzten artikulu honetan ezarritako betebeharrak eta baldintza guztiak.
2. Egiaztapena egiteko, batetik, oinarriko eta exekuzio egitasmoak aztertuko dira eta, bestetik, obrak bukatzen direnean lekuan bertan ikuskapena egingo da, eta dena txosten teknikoetan jasota utziko dute.

17. artikulua.-Garbiketa.

- 1- Hondakinen gelak garbitzeko ardura etxepeak izango du.
- 2- Edukiontzia garbi eta txukun edukitzea norberaren ardura izango da.

18. artikulua.- Erabiltzaileen eskubideak, betebeharrak eta erantzukizuna.

"1.- Etxebizitza, merkataritza-gune, biltegi, azoka, ikuskizunetako lokal, ikastetxe, industria eta osasun-establezimenduen jabe edo erabiltzaile guztiek eta, oro har, zerbitzu honek eragiten dituen erabiltzaile edo onuradun guztiek:

- a) Udal bilketa-zerbitzua erabiltzeko eskubidea dute.
- b) Hondakinen arloan aplikagarria den araudia betetzeko obligazioa dute, batez ere ordenantza honetan jasotzen dena.
- c) Udalak eskatuta, hondakinak bota edo uzten dituen pertsona identifikatzeko obligazioa dute."


19. artikulua.- Erabilpen arauak.

- 1.- Zerbitzuaren erabiltzaileak, hondakin atal bakoitza ondo sailkatuta eta Udalak horretarako jarritako egun, ordu, modu eta lekuetan utzi beharko ditu.
- 2.- Debekatuta dago hondakin likido zein urtzeko modukoak ateratzea.
- 3.- Debekatuta dago hondakinak nonahi uztea. Erabiltzaileak behartuta daude jarritako ordutegian, lekuetan eta moduan uztera.
- 4- Debekatuta dago bilketa lekuak hondatu edo desitxuratu dezakeen edozein ekintza.
- 5- Debekatuta dago ere kaleko koloreetako paperontzi edo hondakin ontzietan etxeetan sortu diren hondakin poltsak uztea.

20. artikulua.- Hondakin organikoen gaikako bilketa.

- 1.- Zerbitzua erabiltzen dutenak behartuta daude hondakin organikoak uztera, Udalak horretarako adierazitako modu eta ordutegiaren arabera.
- 2.- Zati organiko moduan utziko dira Ordenantza honen I eranskineko 1 .a puntuan adierazten diren hondakinak bakarrik.
- 3.- Udalak konpostagarriak diren eta berak ezartzen dituen fabrikazio baldintzak betetzen dituen zorroak erabiltzeko aukera emango du.





Lezoko Unibertsitateko Udala

21. artikulua.- Papera eta kartoiaren gaikako bilketa.

- 1.- Zerbitzua erabiltzen dutenak behartuta daude papera eta kartoia uztera, Udalak horretarako adierazitako modu eta ordutegiaren arabera.
- 2.- Papera eta kartoi moduan utziko dira Ordenantza honen I eranskineko 2 .a puntuan adierazten diren hondakinak bakarrik.

22. artikulua.- Ontzi arinen gaikako bilketa.

- 1.- Zerbitzua erabiltzen dutenak behartuta daude ontzi arinak uztera, Udalak horretarako adierazitako modu eta ordutegiaren arabera.
- 2.- Ontzi arin moduan utziko dira Ordenantza honen I eranskineko 3 .a puntuan adierazten diren hondakinak bakarrik.
- 3.- Ontzi hauek hutsak utziko dira.

23. artikulua.- Beirazko ontzikien gaikako bilketa.

- 1.- Zerbitzua erabiltzen dutenak behartuta daude beirazko ontzikiak uztera, Udalak horretarako adierazitako modu eta ordutegiaren arabera.
- 2.- Beirazko ontzikiak bide publikoan horretarako dauden ontzietan utziko dira. Edukiontzia horietan bakarrik utzi ahal izango dira Ordenantza honen I eranskineko 4 .a puntuan adierazten diren materialak.

24. artikulua.- Errefus zatiaren gaikako bilketa

- 1.- Zerbitzua erabiltzen dutenak behartuta daude errefus zatia uztera, Udalak horretarako adierazitako modu eta ordutegiaren arabera.
- 2.- Errefus zati moduan utziko dira Ordenantza honen I eranskineko 5 .a puntuan adierazten diren hondakinak bakarrik.
- 3.- Pixoihal eta zapi higienikoak egunero atera ahal izango dira, Udalak horretarako adierazitako modu eta ordutegiaren arabera. Egun horretan tokatzen den hondakin zatiarekin batera zintzilikatzekoan utziko dira.

25. artikulua.- Merkataritza eta ostalaritza.-

- 1.- Merkataritza zein ostalaritzako arduradunak behartuta egongo dira hondakinak aurreko artikuluetan adierazten den moduan kudeatzera; hau da, horiek ere hondakinak zatika banatu beharko dituzte eta zati bakoitza 19., 20., 21., 22. eta 23. artikuluetan adierazten den moduan kudeatu.
- 2.- Arrandegiek arrain hondakinak horretarako baimena duten kudeatzaileekin kudeatu beharko dituzte eta Udaletxean aurkeztu, Udalak hala eskatzen dien bakoitzean, kudeaketa horien agiriak.
- 3.- Harategiek haragi hondakinak horretarako baimena duten kudeatzaileekin kudeatu beharko dituzte eta Udaletxean aurkeztu, Udalak hala eskatzen dien bakoitzean, kudeaketa horien agiriak.
- 4.- Merkataritza eta ostalariek, jardueraren ondorioz sortzen duten porspenezko bildukiak kudeatzaile propioekin kudeatu beharko dituzte eta, Udaletxean aurkeztu, Udalak hala eskatzen dien bakoitzean, kudeaketa horien agiriak.
- 5.- Ostalariek, jardueraren ondorioz sortzen duten olio erabilien hondakina kudeatzaile gaitu propioekin





Lezoko Unibertsitateko Udala

kudeatu beharko dituzte eta Udaletxean aurkeztu, Udalak hala eskatzen dien bakoitzean, kudeaketa horien agiriak.

26. artikulua.- Ekoizle handiak.-

Zenbait komertzio eta enpresetako hondakinek arazoak sor ditzakete hondakinen bilketa-zerbitzuan, batik bat hondakin horien bolumenagatik.

Horregatik, horrelako kasuetan, erabiltzaileak hondakin horiek utzi beharko ditu Udalak jarritako lekuetan, hondakinak isurtzeko arriskutik kanpo. Edukiontzia horiek homologatuak izango dira eta haiek garbitzeaz eta mantentzeaz erabiltzailea arduratuko da.

Enpresa handiak Udalak hondakin bilketa zerbitzutik kanpo utz ditzake hondakinaren ezaugarriak edo hondakin kopuruak berak bilketa zerbitzua asko eragozten duenean.

II.- KAPITULUA: BILKETA BEREZIAK

I ATALA.- Altzari, etxeko tresneria eta traste zaharren bilketa

27. artikulua. Sarrera.

- 1.- Altzariak, etxeko tresneria eta traste zaharrak udalak zehazturiko asteko egun eta tokian utziko dira.
- 2.- Zerbitzu hori doakoa izango da hiritarrentzat.
- 3.- Debeekatuta geratzen da beraz, horiek udalak zehazturiko asteko egun eta tokiz at uztea.

II ATALA.- Hondakin toxiko eta oihalak

28. artikulua.- Sukaldeko olioak.

Mota horretako hondakinak horretarako kalean jarritako edukiontzitan utziko dira edo Garbigunera eraman beharko dira edo mota horretako hondakinak biltzeko jartzen den San Marko Mankomunitatearen kamioira (Garbigune ibiltaria), horretarako ezarritako egun eta ordutegian.

29. artikulua.- Etxeetan sortzen diren gainontzeko hondakin arriskutsuak.


Mota horretako hondakinak Garbigunera eraman beharko dira edo mota horretako hondakinak biltzeko jartzen den San Marko Mankomunitatearen kamioira (Garbigune ibiltaria), horretarako ezarritako egun eta ordutegian.

Atal horretan sartzen dira: lanpara fluoreszente zein bestelakoak, mugikorren bateriak zein mugikorrak berak, pintura, disolbatzaile eta abarren poteak eta abar luze bat.

30. artikulua.- Pilak

Hauek horretarako kalean jarritako edukiontzitan utziko dira edo Garbigunera eraman ahal izango dira edo, bestela, elektrotresnak saltzeko puntuetara eraman.





Lezoko Unibertsitateko Udala

31. artikulua.- Oinetakoak eta oihalak.

Mota horretako hondakinak Garbigunera eraman beharko dira edo, bestela mota horretako materiala jasotzeko edukiontzietara bota; beti ere, modu txukunean eta erabat edukiontzian sartuta utziko direlarik.

III ATALA.- Obra hondakinak

32. artikulua.- Obra hondakinak.

- 1.- Erabat debekatuta dago udalerrri honetako kale, partzela edo guneeetan edozein obra hondakin uztea.
- 2.- Mota horretako hondakinak Garbigunera eraman beharko dira.

33.artikulua. Neurriak.

- 1.- Obra hondakin edo lurren garraioa behar bezalako baldintzetan egin beharko da, saihestuz beti ere, bide publikoa zikintzea. Horretarako beharrezkoak diren neurriak hartu beharko dira.
- 2.- Bide publikoa zikinduz gero garbitu eta lehenera itzuli beharko da.

IV ATALA.- Garbigunea. Lezon Oiartzungoa erabiliko da, eta SM Mankomunitateko guztiak erabili daitezke.

34.artikulua. Garbigunea.

- 1.- Garbigunea etxeko hondakinak eta antzekoak gaika biltzea ahalbidetzen duen zentroa da.
- 2.- Eskaintzen duen zerbitzua doakoa izango da herritarrentzat, zerbitzu hori hondakinen tasen barruan sartuta egongo delako.
- 3.- Merkatariek eta industri txikiek ere erabili ahal izango dituzte Garbiguneko zerbitzuak. Horien kasuan, betiere entregatutako materialek etxebizitzetarako arrazoizko mugak (Garbigunean bertan zehaztuko direnak) gainditzen ez badituzte.
- 4.- Muga horiek gaindituz gero, gainditutakoagatik dagokion sarrera tasa kobratuko da.

35.artikulua.- Garbigunean onartuko diren materialak hauek dira:

1. Eraikuntza-hondakinak: obra txikien hondakinak, konketak, komunak, azulejoak, ontziteria, etab.
2. Tamaina handiko tresnak: koltxoiak, somierrak, altzariak, pertsianak, etab.
3. Txatarra: erradiadoreak, bizikletak, harraskak, metalezko egiturak, etab.
4. Plastikoak: jostailuak, ontziak, etab.
5. Lerro zuria: hozkailuak, garbigailuak, ontzi-garbigailuak, mikrouhinen labeak, etab.
6. Pneumatikoak
7. Kimaketa-hondarrak, egurra
8. Ehunak, oinetakoak
9. Papera eta kartoia
10. Beirazko ontziak
11. Lerro marroia: telebistak, bideoak, DVD erreproduzitzaileak, musika-ekipoak, ordenagailuak, mugikorak, etab.
12. Metagailuak, pilak eta bateriak.
13. Tinta-kartutxoak, tonerrak.





Lezoko Unibertsitateko Udala

14. Bonbillak, fluoreszenteak, behe-kontsumoko bonbillak.
15. Sukaldeko landare-olioak
16. Motorraren olio mineralak, disolbatzaileak, pinturak, merkurio-termometroak
17. Kasete-zintak, bideo-zintak, CDak

36.artikulua.- Garbiguneak ez ditu materia hauek onartzen:

- Hartzi daitekeen zati organikoa
- Sendagaiak: farmazietara
- Industria-hondakinak: kudeatzaile baimenduen bidez
- Zabor nahastua, jada bilduko ez den zatia da.

III. TITULUA: ZEHAPEN ARAUBIDEA

I. KAPITULUA.- XEDAPEN OROKORRAK

37artikulua.-

Ordenantza honetan ezarritakoa hausten duten ekintzei zigorra jarriko zaie, ordenantzan bertan ezarritakoaren arabera eta hura garatzen edota osatzen duten lege xedapenetan ezarritakoaren arabera (Euskal Autonomia Erkidegoko Herri Administrazioen zehatzeko ahalmenari buruzko 2/1998 Legea, otsailaren 20koa, Zigortzeko ahalmena gauzatzeko prozedurari buruzko arautegia onesten duen 1398/1998 Errege Dekretua, abuztuaren 4koa, eta Hondakinen 10/1998 Legea, apirilaren 21ekoa).

38. artikulua.- Eskumena

Ordenantza honetan aurreikusitako zigorrak jartzeko eskumena duen organoa Alkatetza da, edo Alkatetzak eskumen hori deskonzentratuz izendatzen duen organoak, abuztuaren 4ko 1398/1993 Errege Dekretuaren 10. artikulua 4. eta 3. ataletan xedatutakoarekin bat etorritz.

39.artikulua.- Arau-hausteen erantzuleak.

1.- Honako egoeraren batean dauden pertsona fisiko edo juridikoak izango dira Ordenantza honetan adierazitako arau-hausteen "erantzuleak":

a) Ordenantza honetako arauak hausten dituzten egintzetako bat zuzenean egitea, beraien izenean edo pertsona juridiko gisa eraturiko enpresen ordezkari edo arduradun gisa.

b) Arautegi hori betetzen ez dela aurreikusi eta eskatzeko legezko betebeharra ez betetzea, eta beraz, a) atalean adierazitako pertsonen ordenantza hauetako arauak hausteko aukera ematea".

2.- Aurreko puntuan ezarritakoaren arabera, erantzukizuna solidarioa izango da kasu hauetan:


a) Ordenantza honetako arauak hausten dituzten egintzetako bat zuzenean egitea, beraien izenean edo pertsona juridiko gisa eraturiko enpresen ordezkari edo arduradun gisa.

b) Arautegi hori betetzen ez dela aurreikusi eta eskatzeko legezko betebeharra ez betetzea, eta beraz, a) atalean adierazitako pertsonen ordenantza hauetako arauak hausteko aukera ematea".

40.artikulua.- Hondakinen titular erantzulea.

1.- Hondakinek titular erantzule bat izango dute beti, kasu bakoitzean hondakinen erabiltzailea, sortzailea, edukitzailea edo kudeatzailea izan daitekeena.





Lezoko Unibertsitateko Udala

2.- Erantzukizun administratibotik kanpo geratuko dira, bakar-bakarrik, hondakinak Udalari eskuratu dizkietenak Ordenantzak eta gainerako araudi ezargarria betez, edota hondakinak horien kudeaketa-lana egiteko beharrezko baimena duten kudeatzaileei eskuratu dizkietenak.

41.artikulua.- Ikuskapena

Hondakin erabiltzaile, sortzaile edo edukitzaileak behartuta daude Lezoko Udalaren ikuskapen zerbitzuei laguntzera, zerbitzu horiek beren zereginen barruan egin beharreko kontrolak, azterketak, informazio bilketak edo bestelako lanak behar bezala egin ditzaten.

Ikuskatze lanak egiten dituzten pertsonak agintaritzaren agente izaera izango dute eta haiek egiaztatutako eta aktetan formalizatutako egintzek egitasun presuntzioa izango dute proba gisa erabiltzerakoan.

42.artikulua.- Beste administrazioen edota epaitegien aurreko erantzukizuna.

1.- Beste administrazioen aurreko erantzukizuna.

Arau-hausleak egindako ekintza beste administrazio publiko baten aurrean hutsegite izan badaiteke, Lezoko Udalak berehala emango dio horren berri.

2.- Erantzukizun penala. Agintaritza judizialaren esku-hartzea.

2.1. Arau hausleak egindako ekintzak delitu edo hutsegite izan badaitezke, Lezoko Udalak agintaritza judizialari horren berri emango dio.

2.1. Ekintza horiek direla eta udalean arau-hauste espedientea irekitzen baldin bada, ekintzak agintaritza judizialari bidaliko zaizkio eta zigor prozedura etenda geratuko da, agintaritza judizialak esateko duena esan arte.

Zehatzeko prozedura etenda egonda ere Udalak egoera lehengoratzeko hartu beharreko neurriak hartu ahal izango ditu.

2.3. Agintaritza judizialak ebazpena eman ondoren, ebazpena absolbitzekoa izan arren, Udalak zehapen-espedientea izapidetzen jarraitu ahal izango du, epaitegiak frogatutzat emandakoak errespetatuz. Dena den, ezingo da administrazioaren zigorrak jarri agintaritza judizialak dagoeneko zigortutako arrazoiengatik.

II. KAPITULUA.- ARAU-HAUSTEAK ETA ZEHAPENAK.

43.artikulua.- Arau-haustek.


Ordenantza honetan jasotakoak ez betetzeak arau-hauste izango dira, Euskal Autonomia Erkidegoko Ingurugiroa Babesteko 3/1998 Legearen 108. artikuluan eta hurrengoetan aurreikusitakoarekin bat etorritz eta Hondakinen 10/1998 Legearen 34. artikuluan eta hurrengoetan aurreikusitakoekin bat etorritz.

Beste organo eskumendun batzuek ezartzen dituzten arau-hausteez gain, hondakinen gaiarekin loturiko ekintzei dagokienez ordenantza honetan araututako arau haustek oso larriak, larriak eta arinak izan daitezke.

44. artikulua.- Arau-hauste motak

Ordenantza honetan jasotakoak ez betetzeak arau-hauste izango dira, Euskal Autonomia Erkidegoko Ingurugiroa Babesteko 3/1998 Legearen 108. artikuluan eta hurrengoetan aurreikusitakoarekin bat etorritz,





Lezoko Unibertsitateko Udala

eta Hondakinen 10/1998 Legearen 34. artikuluan eta hurrengoetan aurreikusitakoarekin bat etorritz.

Beste organo eskudun batzuek ezartzen dituzten arau-hausteez gain, hondakinen gaiarekin lotutako ekintzei dagokienez Ordenantza honetan araututako arau-hausteak oso larriak, larriak eta arinak izan daitezke.

1.- Arau-hauste OSO LARRIAK izango dira:

- a- Udalak dagokion errekerimendua egin ondoren, arriskutsuak eta toxikoak izan daitezkeen hondakinei buruzko informazioa ez ematea.
- b- Lursail publiko eta pribatuetan hondakinak erretzea.
- c- Hilda dauden animaliak bide publikoan uztea.
- d- Ordenantza honen 8. artikuluan hiri-hondakin gisa salbuetsita dauden hondakinak hiri-hondakinen artean uztea.
- e- Hiri-hondakinak jaso eta tratatzeko jarritako bitartekoak eta tresnak nahita kaltetzea, zerbitzua suntsitzea edo bertan behera uztea xedetzat duten bitarteko edo moduen bidez.


2.- Arau-hauste LARRIAK dira:

- a- Hondakinak beste pertsona edo erabiltzaile batek utzi behar dituen lekuan uztea, edo/eta hondakinak nahasten ibiltzea.
- b- Ontziak garbitasun- eta erabilera-baldintza egokietan ez mantentzea.
- c- Erabiltzaileak, arrazoi justifikaturik gabe eta derrigorrezkoa denean, berak sortutako hondakinak bilketa-zerbitzuaren esku uzteari uko egitea.
- d- Hondakinak jaso eta tratatzeko bitartekoak funtzional edo estetikoki kaltetzea, betiere aurreko puntuko e) atalean oso larritzat jotzen ez bada.
- e- Hondakinak jasotzeko tresnak mugitzea, lekuz aldatzea edo behar ez bezala erabiltzea, betiere, azken kasu horretan, egoera arriskutsuak sor badaitezke edo zerbitzuko langileei hondakin-bilketa zaildu badiezaiekete, administrazioaren alde aurreko baimenik gabe.
- f- Hondakinak kargatu, deskargatu eta garraiatzeko lanak eragozte edo zailtzea.
- g- Hondakinak zuzenean estolderia- edo saneamendu-saretik botatzea.
- h- Saneamendu-sarearekin zuzenean lotuta dauden zabor-birrintzaileak erabiltzea.
- i- Hondakin organikoak lurrarekin eta obra-hondakinekin nahastea.
- j- Hondakinak behar bezala utzi ondoren, lapurtzea.
- k- Bide publikoan ibilgailuak uztea.
- l- Merkataritzan erabiltzen diren bilgarriak edo kartoizko kaxak tolestu gabe uztea, edo Ordenantza honetan ezarritakoa bete gabe uztea, betiere horren ondorioz oinezkoen edo ibilgailuen joan- etorria eragozten bada.
- m- Hondakinak utzi dituen pertsona arrazoi justifikaturik gabe ez identifikatzea, Udalak dagokion errekerimendua egin ondoren.

3.- Arau-hauste ARINAK dira:

- a- Hondakinak Udalak zehaztutako moduak errespetatu gabe, hondakinak uzteko lekuetatik kanpo, edo zerbitzuaren egutegitik edo ezarritako ordutegitik kanpo uztea.
- b- Hondakinak manipulatzeko, horretarako arrazoi justifikaturik gabe.
- c- Hondakinak bide publikoan uztea.
- d- Hondakinak ontziz aldatzea edo mugitzea, horretarako arrazoi justifikaturik gabe.
- e- Bide publikoan aldi baterako jarrita dauden obra-hondakinak biltzeko edukiontzietan hondakinak uztea.
- f- Substantzia likidoak, likidotu daitezkeenak edo isurketak eragin ditzaketenak uztea.
- g- Birziklapenerako aurreikusitako hondakinak jasotzeko zerbitzuari hondakinak bereizi gabe uztea.
- h- Hondakinak inolako antolamendurik gabe uztea, zerbitzuaren funtzionamendu egokia eragotziz.
- i- Ordenantzaren jasotako gainerako arau-hausteak, arau-hauste larri edo oso larritzat sailkatuta ez daudenak.





45. artikulua.- Zigorrak

1.- Aurreko artikuluan jasotako arau-hausteren bat eginez gero, zigor hauetakoren bat edo guztiak ezarri ahal izango dira:

1.- Arau-hauste oso larriak egiteagatik:

15.000,01 € eta 30.050 € arteko isunak; 44.1 artikuluko a eta e ataletan aipatzen diren arau-haustek egiteagatik, ordea, 1.501 € eta 3.000 € arteko isunak ezarriko dira.

2.- Arau-hauste larriak egiteagatik:

6.000,01 € eta 15.000 € arteko isunak; 44.2 artikuluko b, d, e, f eta m ataletan aipatzen diren arau-haustek egiteagatik, ordea, 751€ eta 1.500 € arteko isunak ezarriko dira.

3.- Arau-hauste arinak egiteagatik:

60 € eta 6.000 € arteko isunak; 44.3 artikuluko j atalean aipatzen diren arau-haustek egiteagatik, hala

2.- Zigorrak ezartzeko, honako alderdi hauek hartuko dira kontuan: arau hustea egin duen pertsonaren zirkunstantziak, erru maila, araua behin eta berriz hautsi izana; parte hartze maila eta lortutako onura, eta ingurumenari eragindako kaltearen neurria edota pertsonen osasuna kaltetzeko eragindako arriskua.

3.- Zigorra ezartzeaz gain, Udalak eskubidea izan dezake kalte-galerengatik dagokion ordaina eskatzeko.

46.- artikulua.- Arau-hauste eta zehapenen preskripzioa

Arau-hauste oso larriak hiru urte igarota preskribituko dira, larriak bi urte igarota eta arinak sei hilabete igarota.

Arau-hauste oso larriengatik ezarritako zehapenak hiru urteren buruan preskribatuko dira, arau-hauste larriengatik ezarritakoak bi urteren buruan eta arau-hauste arinengatik ezarritakoak urtebeteren buruan.

Zehatzeko ahalmena preskribatuta egon arren, Lezoko Udalak gauzak lehen zeuden moduan uzteko eskatu ahal izango die erantzuleei, dena dela ere igarotako denbora.

47.- artikulua.- Jarduketa osagarria.

1. Jartzen den zehapena jartzen dela, arau hausleak behartuta daude gauza guztiak arau haustea egin aurreko egoerara itzularaztera eta lehengoratzera.


2. Arau-hausleek, aurreko atalean ezarritakoa alde batera utzita gauzak lehengoratzen edo arau-haustea egin aurreko egoerara itzularazten ez badituzte, zehapena jartzeko eskumena duen organoak hertsatzeko isunak jartzea erabaki ahal izango du, Herri Administrazioen Araubide Juridikoaren eta Administrazio Prozedura Erkidearen 30/1992 Legearen 99. artikulua araberan, dagokion errekerimenduan ezarritako epeak igaro ondoren.

3. Isun horietako bakoitzaren zenbatekoa ezingo da izan egindako arau-haustearengatik jarritako isunaren herena baino gehiagokoa.

4. Bestalde, kasu hauetan, eta lehengoratze lanak egiten ez badira, Udalak betearazte subsidiarioari ekin ahal izango dio, arau-hauslearen kontura eta kargura.

5. Zehapenen kopurua, kalte-ordainen kopurua eta lehengoratze-lanen kostu ekonomikoa premiamenduzko administrazio bidea erabiliz exijitu ahal izango dira, dagozkion ebazpenak bide horretan





Lezoko Unibertsitateko Udala

finkoak direnean.

XEDAPEN GEHIGARRIA

Ordenantza honetan aurreikusi ez diren gai guztietan apirilaren 21eko 10/1998 Zaborren Legeak xedatutakoari men egingo zaio, baita aplikagarri izan daitezkeen gainerako araudiei ere.


XEDAPEN INDARGABETZAILEA

Ordenantza hau indarrean sartzen denean indargabetuta eta ondoriorik gabe geldituko dira bere mailako edo gutxiagoko xedapen, araudi eta ordenantzak, baldin eta honek diotenaren aurkakoak edo kontrajarriak badira.

AZKEN XEDAPENA

Ordenantza hau indarrean sartuko da bere testu osoa behin betiko gisa GAOn argitaratu eta atez ateko bilketa sistema martxan jartzen denean Lezoko Udalean.





I ERANSKINA

Hondakin zati bakoitzean sartzen diren hondakinen zerrenda:

1.- ORGANIKOA

a) Konpostatzeko egokia den udal-hondakinen zati organikoa honakoa da:

- Animalia-janariaren hondarrak, bai gordinak, bai prestatuak.
- Landare-janariaren hondarrak, bai gordinak, bai prestatuak.
- Paperezko ezpain-zapiak, sukaldeko papera eta paperezko mantelak, materia organikoz zikinak (janariaren hondarrak, landare-olioa, etab.) eta paperezko zapi erabiliak.
- Kafe-hondarrak, infusioen zakuak.
- Marisko-oskolak, fruitu lehorren azalak eta arrautza-azalak.
- Animalien (arrainenak barne) eta fruituen hezurak.
- Loreak eta landareak.
- Soropila (gutxi, hobeagoa da autokonpostatzea).
- Txotxak, pospoloak, zerrautsa (gutxi) eta kortxo naturalaren tapoiak.
- Tratatu gabeko egurraren errauts hotzak.

b) Zati organikotik material hauek baztertzen dira eta, beraz, jomuga desberdinak izango dute.

- Animalien gorozkiak, errefus-ontzira.
- Plastikozko kortxo-tapoiak, ontzietara.
- Konposta ezin daitezkeen pixoihalak, konpresa eta tanpoiak, errefusera.
- Zigarro-mutxikina, errefusera.
- Erraztearen hautsa, errefusera.

2.- PAPERAK/KARTOIA


a. Materiala birziklatzeko udal-hondakinaren paper/kartoi zatitzat honakoa jotzen da:

- Egunkarien papera, aldizkariak, publizitate-liburuxkak, bai zuri-beltzak, bai kolorekoak.
- Gutunazalak, folioak, bulegoko paperaren gainerako materialak.
- Ostalaritzan behin erabili eta botatzeko paperezko erretiluak, platerak eta ontziak.
- Paper garbiaren ezpain-zapiak eta mantelak.
- Kartoizko kaxak.
- Arrautza-ontziak, jogurtak eramatekoak, kartoizko komuneko paperaren zilindroak.
- Kartoizko bilgarriak eta babesleak.

b. Paper/kartoiaren zatitik hurrengo materialak baztertzen dira eta horiek honako jomugak izango dituzte::

- Material ez-organikoz osatutako paper Zikina: errefusera.
- Paperezko ezpain-zapiak, sukaldeko papera eta paperezko mantelak, materia organikoz zikinduak badaude, eta paperezko zapi erabiliak: organikora.
- Gomaz osatutako papera, paper plastifikatua: garbigunera
- Klipak, grapak, errefusera edo kopuru handietan: garbigunera.





3.- ONTZI ARINAK

a. Berreskuratze-plantan hautatu eta, ondoren, birziklatzeko udal-hondakinetatik honakoak dira ontzi arinak, betiere elikagaiak edo etxeko garbiketa produkturik ez badituzte eta garbituak badaude:

- Aluminiozko eta burdinazko edari- eta kontserba-latak.
- Tetrabrickak.
- Plastikozko edari- eta elikagai-botilak.
- Plastikozko etxeko garbiketa-produktuen botilak eta ontziak.
- Behin erabili eta botatzeko plastikozko edalontziak, platerak, mahai-tresnak.
- Poliestireno zabalduaren (porexpana) elikagai-erretiluak.
- Aluminiozko elikagai-erretiluak eta aluminiozko gainerako materialak, elikagaiekin erabiltzeko badira.
- Jogurt-ontziak, plastikozko flanak beren estalkiekin.
- Beirazko ontzien metalezko estalkiak.
- Hortz-pastaren tutuak eta plastikozko kosmetika-ontziak.
- Izoztuen poltsak eta, oro har, plastikozko poltsa guztiak, baita elikagaientzako film plastikoa ere.
- Paper plastifikatua.

b. Ontzi arinen zatitik hurrengo materialak baztertzen dira eta honako jomugak emango zaizkie:

- Pintura-lata erabiliak: garbigunera
- Disolbatzaileen lata eta botila erabiliak: garbigunera.
- Sendagaien ontziak: farmaziara edo anbulatoriora.
- Plastikozko jostailuak eta, oro har, plastikozko edozein material ontzia ez bada: garbigunera.

4.- BEIRAZKO ONTZIAK

a. Berreskuratze-plantan hautatu eta, ondoren, birziklatzeko udal-hondakinen beira-ontziak honako hauek dira, betiere elikagaiak edo etxeko garbiketa-produktuak ez badituzte eta garbituak badaude; ez da beharrezkoa botiletatik lepoko apaingarriak kentzea, ezta botilak betetzea saihesten duten mekanismoak ere:

- Edozein koloretako beirazko botilak.
- Edozein koloretako beirazko kontserba-poteak.
- Kosmetika-produktuen beirazko ontzia.

b. Beira-ontziaren zatitik honako materialak baztertzen dira eta hurrengo jomuga emango zaie:


- Zeramikazko katiluak eta platerak: erreFusera; kopurua handia bada: garbigunera.
- Kortxo naturalaren tapoiak: organikora.
- Plastikozko kortxo-tapoiak: ontzi arinetara.
- Beirazko ontzien metalezko estalkiak: ontzi arinetara.
- Kristalezko ontziak, ispiluak eta lehioak: errefurera

5.- ERREFUSA

a. Udal-hondakinetatik errefusak dira gaikako bilketaren eta birziklapenaren zirkuitu berezia ez duten materialak. Errefusaren zatian botatako material birziklagarriak zati honen ezegokiak izango dira, beraz, zati hau zabor nahastuarekin ez da nahasi behar, ez baita jasoko. Beraz, Errefusa dira:

- Zeramikazko katilu eta plater puskatuak.
- Erraztearen hautsa, aspiragailuaren poltsa beteak eta zigarro-mutxikinak.





Lezoko Unibertsitateko Udala

- Ileak, azazkalak, makillajea kentzeko kotoiak, hortz-haria, depilatzeko argizaria, bizar-aitzurra, belarri-bastoia, preserbatiboak, etab.
 - Birzikla eta berrerabil ezin daitezkeen pixoihalak, konpresak eta tanpoiak.
 - Biberioiak, tetinak, txupeteak, edoskitze-diskoak.
 - Egur landuaren errauts hotzak.
 - Idazteko material gastatua.
 - Animalien gorozkiak eta katuentzako lurra.
 - Sendaketa-hondarrak, esparatrapuak, gasak, tiritak.
 - Plastikozko ontzi puskatuak, kreditu-txartel erabiliak, pizgailu erabiliak.
 - Esekigailu gutxi, etxeko erabiltzaileek sortutakoak; kopuru handietan garbigunera.
 - Kristalezko ontziak, ispiluak eta lehiok: errefurera
- b. Errefus-zatitik hurrengo materialak baztertzen dira eta horiei honako jomuga emango zaie:
- Disolbatzaileen eta pinturen hondarrak: garbigunera.
 - Etxetresna elektriko txikiak: garbigunera.
 - Pilak eta metagailuak: garbigunera edo pilen bilketa-puntuetara.
 - Tamaina handiko tresnak eta traste zaharrak, kasete- eta bideo-zintak: garbigunera.
 - Bonbilla goriak, fluoreszenteak eta behe-kontsumoko bonbillak: garbigunera.
 - Kimaketa: garbigunera.
 - Olio mineralen, pinturen eta disolbatzaileen zapi zikinak: garbigunera.
 - Plastikozko jostailuak: garbigunera.

Lezoko Udalbatzarrak, 2012ko azaroaren 29an egindako ohizko bilkuran hasiera batez onartu zuen Hiri hondakinak bildu eta tratatzeko Udal ordenantza hau.

